

حقوقی بیکیلیت مجموعه سی

هر آنگاه که اولن بپشنده نشر اولنود

محکمه به مؤکک اجابت ایتمسبله حد ذاته ده جای قبول اولان وکالت مسئله سنک تدقیقه حاجت قائم دینغی ده استدلال طریقله کوسترمشدر.

واضح و صریح متن قانون اوزرنده جریان ایدن مناقشه محلی قالمایوب بعدالاستیدان مسئله وکالت جلیله جه صورت عمومیه و مطلقه ده شفاهی اصول محاکمه به تابع ایشلرده دعوی وکیلارینک قبول وکالتلری صورتیله حل و تبلیغ ایدلمشدر.

اوده مشده دعوی وکیلارندن اسبارطه لی

ابراهیم ابراهیم

حقوق جزا معلمی آدوقات

محمد باهر

حقوق جزا

جرم و قباحته اشتراك

صوچده اشتراك مسئله سنده كرك روما حقوقی و كرك باربار و کلیسا قانونلری بو كونكى حقوق جزانك تلقیسنه تمامیله تماس ایده مامش و احكام اسلامیه دخی عین صورتده تدوین ایدلمشدر. [۱]

صوچ یالکیز بر کیسه طرفندن یا بیله بیله کی کبی، بدن زیاده اشخاص طرفندن صوچک ایقاعی موضوع بحث اولنجه بو شخصلارک بو بایده اوینادقلری رول هم فعللک رولمیدر؟ یوقسه شریک رولمیدر؟ و بونلره نه یولده جزا ترتیب ایتمک اقتضا ایدر؟ مسأله لری اوتندن بری حقوق جزانك اك مهم مسئله لرندن برینی تشکیل ایتمش و بو بایده مختلف سیستملارک وجوده کله سنه بادی اولمشدر. هم فعللک و اشتراک که دائر آتیا اوزون اوزادی به تفصیلات ویریه چکی جهته شمیدین یوقاریده یازیلی اولان سیستملر حقنده معلومات اعطاسی موافق کورلمشدر. بو سیستملر بروجه آتیدر:

برنجی سیستم — عتیق نظریه جه قبول ایدلمش اولان و هم فعللک مجرمیتنی خفیف بر صورتده شریکله تشمیل ایتمک یعنی بر صوچه اشتراک ایده نلرک مسئولیتلرینی مادی عد ایتمه رک هم فعللره صوچک تمام جزاسنی، شریکله ده ده خفیف بر جزا ویرمک

[۱] فقه حنفینک بوبایده کی احکامنه اطلاع پیدا ایتمک ایچون «معیار العداله» نک ۴۲، ۴۳، ۴۶، ۱۹۳ و ۲۲۷ نجی مسئله لرینی تدقیق ایتمک اقتضا ایدر.

از مافی سرد ایدن سیستم در که هم فعللری صوچک سبب مؤثری تلقی ایتکده و شریکری ده صوچک ایقاعنده تالی بر رول اوینان کیمسه لردن عد ایلکده و هم فعللری ایلروده بر تفصیل کوره چکمز وجهله ، مادی فاعلار [آلمانلرک Thäter دیدکلری] و عقلی فاعلار یعنی عزم ایندی رنلر [کذلک آلمانلرک Mitthäter] دیو بر تصنیفه تابع طومق صورتیه شریکری مختلف صورتده صوچک ایقاعنه اشتراک ایتلری دولایسیله تدقیق ایتکده در؛ بو سیستم یکی جزا قانونلرنجه اولدینی کی قانونلرنجه ده قبول ایدلمشدر.

ایکنجی سیستم — هم فعلک مجرمیتی صورت مطلقهده اشتراک دهخی تشمیل ایتک یعنی کرک مسئولیت جزائییه و کرک مقدار جزا حقدده هم فعل ایله شریکی مساوی عد ایلک سیستمی در که الیوم موقع مرعیتده بولان فرانسر قانون جزاسنجه تطبیق ایدلمکده در . بو ایکنجی سیستم بو کون ترک ایدلمکده محکومدر . حتی بو خصوصده فرانسر قانون جزائی شدتله تنقید ایدلمکده در؛ هر نه قادر بو سیستم آلمان مؤلفین جزائیهندن «فوق بوری» طرفندن اوزون اوزادی به مدافعه ایدلمکده ایسهده ایکنجی سیستمک کون بکون حال متروکیتده قالمسنه مانع اولاجنی امید ایدیه مامکده در.

ارمنجی سیستم — شریکری کندیلرینه خاص بر مجرمیتی اولدینی و بولرک کرک مسئولیت جزائیله لرینک و کرک جزالرینک شخصیلشدیرلمسنی ایلری سورمن سیستمدر . مؤلفین جزائیهندن «قارار» مشهور ارینت برنجی جلدنده و ۱۴۹۹ نومروده بو نقطه نظری مدافعه ایتلشدیر؛ بو اوچنجی سیستم نورودچ قانون جزاسنجه قبول ایدلمش اولدینی کی ۱۸۹۶ تاریخنده قلمه آلمان اسویجره قانون جزا لایحه سنه دهخی درج اولونمشدر .

دورنجی سیستم — جرم وقباحتده اشتراکی بر سبب مشدد تلقی ایدن سیستمدر : بو سیستم ایتالیان پوزیتویست مسلکی مؤسسیرلندن موسیو «فری Ferri» ایله عینی مسلک منسوبیندن سیغه له «Sighale» طرفلرندن سرد ایدلمش و مدافعه ایدلمکده بولنمشدر.

— آ —

هم فعللک

«جزا قانونلرک ۶۴ نجی ماده سی»

هم فعللک یا صوچک اجراسنده یا خود صوچک ایقاعی ضمتنده یا پیلان مذا کره لرده برانمک حالنده تجلی ایدره . صوچک اجراسنده برلشه نلر شونلردر :

۱ — صوچی ایقاع ایدهنلر؛

۲ — دوغریدن دوغری به برابر ایشلهینلر؛

بر صوچ ایقاعی ضمنتده یاپیلان مذاکره لرده برلشه نلر ایسه باشقهرلی جرم و یا قباحث ایشله مکه عزم ایتدیره نلردر. [جزا قانونی ۶۴ نجی ماده ایکنجی فقره]
صوچی ایقاع ایدهنلر؛ صوچی تشکیل ایدهن حرکتی، اختیار و اراده سی و فعالیت ایله دوغریدن دوغری به بالذات ایشله مش اولانلردر.

بو فعالیتک «مادی» اولدینی کی «معنوی» اولسی ده ممکندر.

صوچی طوغریدن طوغری به برابر ایشلهینلر افعال اشتراکیه اصلیه یی آیری آیری ایفا ایدهنلردر.

بر صوچک اجرا سنده برلشه نلر مشترک بر حکمه یعنی صوچی ایقاع ایدهنلر و دوغریدن دوغری به برابر ایشلهینلر کرک اسناد قابلیتی و کرک مسئولیت جزائیله نقطه نظرندن عینی حکمه تابعدرلر؛ مکرکه بونلردن برینک وضعیت حقوقیه سی تبدیله مدار اولاجق بر حال مخصوص بولونه، در حال شونی علاوه ایدم که بر صوچک اجرا سنده برلشه نلر مادی هم فعللر و بر صوچک ایقاعی ضمنتده یاپیلان مذاکره لرده برلشه نلر معنوی و عقلی هم فعللردر.

مادی هم فعللردن اولوبده بر جرم و یا قباحثی بالذات ایقاع ایدهنلرک عینی صوچک فاعلی اولدقنلرند و بو باده اوصوچی بیلهرک یانمش و اختیار و اراده لرینک او صوچک ایقاعنه تعلق اتمش اولدیغنده شبهه بولونمادینی جهته قانونک ۶۴ نجی ماده سنک برنجی فقره سی حکمنه توفیقاً بونلردن مر برینک او صوچه مخصوص جزا ایله جزالاندیرلملرنده بر کونا مشکلاته تصادف ایدیلهمز؛ آنجق مادی هم فعللردن اولوبده صوچی دوغریدن دوغری به برابر ایشله مش اولانلر حقنده حکم قانونک لایقيله آکلاشیله بیلمسی ایچون تفصیلات آتیه نك اعطاسی لازم کلیر.

۶۴ نجی ماده نك بحث ایلدیکی «دوغریدن دوغری به برابر ایشله مکلکک حصولی ایچون حرکته بر ائتلافک موجودیتی ثابت اولونجه فعلی اتمام اتمه یین اشتراک و یا اجرا صفحه سندن مقدم جزالاندیرلمش بر ائتلاف شرط دکدر. ۶۴ نجی ماده قانونیه نك، صوچی دوغریدن دوغری به برابر ایشلهینلر حقنده تثبیت ایتدیکی «او صوچه مخصوص جزا ایله جزالاندیرلمق» کیفیتک بو کیمسه لره تطبیق ایدیله بیلمسی ایچون فاعل اصلینک

بینمسنه لزوم یوقدر؛ جزادن قورتارمق و یا حکومتک تحریاتی اشکال ایتک اوزره جرم اصلینک ایقاعندن اول مجرم تصاحب والتزام ایدلش ایسه اولوقت «معاور» شکلی اورنادن قالفار ویرینه «اشترک» شکلی قائم اولور. فقط بو کیسه‌یی، قانونک ۲۹۶ نجی ماده‌سند محرز بولنان (اداره عدلیه‌علیه‌نده جرم ایشله‌ینلری صاقلامق و جرمک دلیللرینی یوق ایتک) جرمنده متقدم بر استلاف نتیجه‌سی اولماقله برابر اصل صوچک متصور نتیجه‌لره ایصالی خصوصنده یاردیم ایدن کیسه ایله قاریشدرماملیدر. بو کیسه صوچک ایقاعنه دوام ایدن کیسه‌درکه متبای صوچلرده ازجمله قانونک ۱۸۹ و ۴۲۹ نجی ماده‌لرند موضوع بحث اولان جرملرده بر کیسه‌نک خلاف قانون حریتدن محرومیق و یا قاجیرمه دوام ابتدیی مدتیجه جرمک عناصر مترکبه‌لری ایله برابر وضعیت جرمیه‌سی امتدادایدیر. بو تقدیرده اصل مجرم طرفندن حبس و یا قاجیرمه فعللری حقوقاً اکمال ایدلش اولمغله برابر شخصی حریت حقنک اخلاالی ده دوام ایده‌بیلیر. جرمک اتمامندن سوکرا توقیف ایدن و یا قاجیران شخصلره، منذورک امتداد موقوفیتی و بناء علیه حریتی علیه‌نده کی اخلال حق کیفیتک دوامی ایچون توقیف ایدن و یا قاجیران شخصلره یاردیم ایدن کیسه‌یه‌ساده favoreggiatore «تصاحب و التزام ایدنلر» دنیلیر. کرچه بو کیسه‌نک حرکتی، حقنک اخلالندن سوکره‌در؛ فقط حقنک اخلال ایدیجی فعل تماماً بیتدکدن سوکره دکلدر؛ اونک فعلی اصل جرم ایقاع ایدلدکدن سوکره تلاحق ایتش اولمسنه و بونی اولجه وعد ایلمه‌مش بولمسنه نظراً ایجاب حاله کوره شریک یاخود هم فعلک حرکتی کبی تلقی ایدلک ایجاب ایدر.

شونی‌ده علاوه ایدیم‌که بعضی حاللرده مادی هم فعللکک بعضی خصوصیتلری وارددر؛ شاید بر قاج کیسه عینی صوچی دوغریدن دوغری‌یه و عینی زمانده اجرا ایتش اولورلرسه بونلرک بو صورتده برلشه‌لری ذات جرمک بر وصف و یا حال مشددینی تشکیل ایدر؛ مثلاً حکومته قارشو شدت (جزا قانونی، ماده ۲۵۴)، حکومته قارشو مقاومت (ماده ۲۵۸، نومرو: ۲)، جبراً عرضه کچمک (ماده ۴۱۷)، خیرسزلق (ماده ۴۹۳، نومرو: ۹)، وناسی اضرار (ماده: ۵۱۷) بو قبیلندیر.

صوچک ایقاعی ضمنده پایلان مذاکره‌لرده برلشه‌نلر یوقاریده سوبلدیکمز وجهله صوچک معنوی و عقلی فاعلی دیمکدر. «قانون عقلی و معنوی فاعللرک جزاسی ملاپسه‌سند»

بالخاصه عقلاً و معنأً فاعل اولانك تحريك ايله حرکت ايتيش اولان فاعلك حالى اسباب خصوصيه دن دولاي صوچى ايقاع ايدەنك حالنن آييرمقده در. [۱]

معنوى وعقلى هم فعلك صوچى ايشله مکه باشقه سنى عزم ايتدير مكدرد؛ بو حال اولجه ۶۴ نجى ماده قانونيه نك ايكنجى فقره سنده نثيت ايدلمشدر. عزم ايتديرەن كيمسه نك هم فعل تلقى ايدلمسى و آكا كوره جزا ديدە اولمى صوچك سبب حقيقىسى، سبب مؤثرى، سائقى اولمى سندن ناشيدر. ايشته بو صورته حرکت ايتديكندن دولاييدركه او كيمسه باشقه لرندە مجرمانه بر عزمى اوياندير مشدر.

«بو معنوى وعقلى هم فعلك نه كې شكللر آلتىندە تظاهر ايدرد؟ حقوق و قانون جزا دة باشقه لرى طرفندن اتمام ايديلن بر جرمك حركانته اشتراك ايتكمىزین اراده نك التحاقى حقدنه بعض تقسيمات اجرا ايدلمكدە در. از جمله نصيحت ويرمك، برينه و كالت كوندرمىك، بريله عقد شركت ايله مك، برينه امر ايتك و بريله اتفاق عقد ايتك آيرى آيرى تفصيل ايدلمشدر. قارارايه نظراً «ايشله تيله جك جرم، او جرمك مادی فاعلنه يالكرز اراده سنى نقل صورتيه اشتراك ايدن كيمسه نك استفاده سنى استلزام ايدىيورسه امر ويا اتفاق يا خود و كالت موجود در؛ ايشله تيله جك جرمك استفاده سى يالكرز مادی فاعلنه منحصر ايسه اورته ده نصيحت موجود در؛ اكر استفاده مشترك ايسه اورته ده بر عقد شركت وارد در». بو تعريفلر، بو تقسيملر حقوق جزا مؤلفلرى طرفندن دوچار اعتراض اولمش و قانونمىز دخی اصطلاحاتى و بو تعريفلرى بر طرف ايلمشدر. بناء عليه دنيله بيلير كه تظاهرك خصوصى شكللر يته، [مثلاً هديه ويا ذوقلر وعدى، بر صلاحيتك سوءاستعمالى، باشقه سنك معنوى نفوذيتك علاوه سى] باققىزین بر كيمسه آخر طرفندن ايشله ن فعلك سبب مؤثرى اولمش ايسه يعنى هم فعلك تشويقات و تحريكاتى بولمىدجه تشويق ايديلن كيمسه ده صوچى ايشله مك عزم و قصديتك اويانماسنه امكان يوق ايسه معنوى وعقلى هم فعلكك نا محدود شموليله موجوديته حكم اولنه بيلور؛ تعبير ديكرله صوچك فاعلنده محقق و معين بر قصد جرمى موجود اولدينى و كندى تحريككك ياتشويقتك وقوعى و يا خود عدم وقوعى و يا خود عدم وقوعى حالنده بيله حر كته كلاجك ويا صورت آخرله دوشونه جك بر كيمسه طرفندن اجرا ايدلديكى تقديرده ۶۴ نجى ماده

[۱] پروفيسور «ماينو» نك ائرنەن.

قانونیه‌نک صوک فقره‌سندہ محرر هم فعلک موجوددر [۱]. شونی علاوه ایدہم کہ معنوی وعقلی هم فعلک باشقہلرینی فعل ایشله‌مکہ عزم ایتدیردیکی صورتده هر نه صورتله اولورسه اولسون فعلک اجراسنه مادهٔ اشتراك ایتسنه لزوم یوقدر؛ آنجی هر نوع اشتراك مثللو معنوی وعقلی هم فعلک ایچون باشقہسنی اضرار ایتکی قصد ایشل اولق لازمدر. مثلا کندی الیله ایشله‌مک ایسته‌مدیکی بر جرمی ابقاع ایتک مقصدیلہ بر بشقہسنی هیچ بر شخصک حقوقی اخلال ایدیلہ‌جکئی ظن ایتدیرمک دسیسه‌بلہ آلمان ویا فعلک جرمیتی دوشونه‌میه‌جک درجده سرخوش ایدن کیسه ایچون آخری صوج ایقاعنه عزم ایتدیرمشدر دیله‌مز. چونکہ آلائیلان یاخود تمامیلہ سرخوش ایدیلن ویا یاش دولایسیله غیر مسئول اولان [۲] کیسه‌ده هیچ بر قصد یوقدر. بو کیسه بر واسطه‌دن باشقہ برشی دکلدیر. آنک ایچون ظاهراً مشوق وضعیتده اولان کیسه صوجک حقیقی ویکانه فاعلیدر.

معنوی وعقلی هم فعلکک جزاسنه کلنجه: یوقاریده سویلدیکمز وجهله بوقیل هم فعللر ۶۴ نجی مادهٔ قانونیه‌نک صراحتنه نظراً صوجی ابقاع ایدہلر کبی او صوجه مخصوص جزا ایلہ جزالاندیریلورلر. اشو مادهٔ قانونیه‌نک ایکنجی فقره‌سی «عینی جزا» دییور؛ بوتعبیر، فقره‌نک منطقیاً ۶۴ نجی ماده‌نک برنجی قسمه عطفی دولایسیله صوج ایچون قانوننده تعیین وتخصیص ایدلش اولان جزایه تعلق ایدہر؛ یوقسه جرمک فاعل اصلیسنه ترتب‌ایدن جزایه دکل. بواعبارله جرمک فاعل اصلیسنه ترتب‌ایدن جزادن دها آغیرینک معنوی وعقلی هم فعل حقنده حکم ایدلمسی امکانی موجوددر؛ فقط فعلی اجرا ایدن کیسه اونی شخصی سبیلر دولایسیله ایشله‌مش یعنی «قارارا» نک دیدیکی کبی کبی فاعل اصلی - معنوی وعقلی هم فعل یرینه - صوجک سبب حقیقیسی، سبب مؤثری اولمش ایسه ۶۴ نجی ماده‌نک ایکنجی فقره‌سندہ عزم ایتدیرن کیسه‌نک - بو شخصی سبیلر حقنده معلوماتی اولسون اولماسون - جزاسنی بالعکس تنزیل ایتکده‌در؛ یعنی صوجک جزاسی اعدام ومؤبد آغیرحبس اولدینی تقدیرده بوجزایه‌بدل یکریمی سهومؤبدسورکونه بدل بش‌سنه آغیرحبس حکم ایتکده وسائر حاللرده جزانک آلتیده‌برینی ایتدیرمکده‌در.

[۱] پروفیسور «مایو» نک اترندن.

[۲] مثلاً برنجی دورده بولتان چوجوقلره یایدیریلان خرسزلق فعللرندہ خرسزلق فاعلنک ورتاده‌کی مشوق اولدیفنه ایتالیان محکمه‌لرنجه قرار ورتلشد. بوجوجوقلره یایدیریلان دیلنچیک دخی بولده‌در.

بوحکم ؛ صوچلرک قوتلرینک، درجه لرینک و کیتلرینک برآراده حساب ایدملری صورتیه ریاضی برسیتم تعقیب ایدن، فلاسیک مسلکک نقطه نظرینه موافقدیر. یعنی جزا قانونمیزک ۶۴ نجی ماده سنک صوچلرک قورمسی اشو فلاسیک مسلکک کوره قلمه آلمشدر. چونکه پوزیتویست مسلک قصدجریمی وجوده کتیره کیمسه ایله هنوز قرار حالنده بولان برآراده بی حرکت کتیرمکه سائق اولان کیمسه آراسنده جزا مقداری اعتباریه هیچ بفرق قبول ایتمه مکنده. سردایتدیکمز شو نقطه نظر ایلروده تفصیل ایده جکمز «معنوی و عقلی اشتراک» ده موضوع بحث اولاجقدر. شونیده علاوه ایدهیم که مجرملرک جمعیت تشکیل اتملری جرمنده [۳] بویه جمعیت تشکیل اتمک (جزا قانونی: ماده ۳۱۳) عزم ایتدیره نلرک هم فعللکی بولرحقنده جزانک تشدیدینی مستلزم خصوصی سبیلردندر.

«بوراده بر مسئله حقوقیه موضوع بحث اولمقدهدر: شاید معنوی و عقلی هم فعلک عزم ایتدیردیک صوچ رینه فاعل بوندن دها آغیر بر صوچ ایقاع ایتش ایسه مثلا بر قیزک قاچیرلمسند یاخود بر شخصک خلاف قانون توقیفنده معنوی و عقلی هم فعل طرفندن عزم ایتدیریلان فاعل قیزک جبراً عرضنه کچمش ویا او شخصی اولدیرمش ایسه معنوی و عقلی هم فعل جزاء مسئول اولورمی؟ واولورسه هانکی حالدده مسئول اولور؟ بو مسئله فاعلک عزم ایتدیرمک حدودینی تجاوز ایتسی مسئله سی اولوب بونده معنوی و عقلی هم فعلک مسئولیتی، صوچک ایقاعی ایچون استعمال اولنان واسطه لرده تجاوزده، یاخود صوچک ایقاعندن حاصل اولان نتیجه ده تجاوزده کوره آریلور؛ شاید فاعل قرارلاشدیریلان واسطه لردن غیری بر واسطه قوللانمق مثلا دایاق آتارکن صوبایی بیراقوب ییچاق استعمال ایدرک تولدورمش ایسه واسطه لرده تجاوز موجود دیمک اولدیغندن معنوی و عقلی هم فعلک - صوچ ولوکه حضورنده یا یلمش اولسون - بوندن دولایی مسئولیت جزائییه سی وارد اولاماز. بوتون مسئولیت بو واسطه بی یالکز باشنه استعمال ایدن فاعله حائدر؛ نتیجه ده کی تجاوزده کلنجه: قرارلاشدیریلان واسطه لر عیناً استعمال ایدلرکی تقدیرده دخی تجاوز اولایلور. مثلا واسطه بی استعمال ایدن کیمسه،

[۳] رکنه کار قادین ایله قازانچینک دخی اورثانی اولان حامیی پیننده ور مفکوره طاشیان و بو مفکوره بی وسائط مینه ایله حیزفله ایصال اتمک ایستین آتارشیستلر ویا قومونیستلر آراسنده جمعیت تشکیلک بذاتها وهردرلو مقدمه اجراییه دن عاری اولارک مستلزم مجازات اولاجنی جزا قانونمیزجه (ماده: ۳۱۳) بولکون نیت ایدلمش دیمکدر؛ ملغی قانون جزا ایسه بونی تأمین ایدمه می ایدی.

قراراشد یریلان صوبایی استعمال ایتش و بر فعل مؤثر (دایاق) موضوع بحث ایکن بر قتل وقوعه ککش و بو تقدیرده واسطه‌ی استعمال ایدن کیمسه صرف فاعلندن یا خود شخصی غایله‌ر تعقیب ایتسندن دولایی حدودینی تجاوز ایتسه بیله معنوی و عقلی هم فعلک مسئولیت جزایه‌سی وارد در . [۴]

شورایه قادر و یریلان ایضاحات معنوی و عقلی هم فعلکک تشویق صورتیله یاپلمش اولسنه متداو در . شمعی بونوع هم فعلکک تحریک صورتیله یاپلمشی حالسنده کی نتایج حقوقیه‌ی تثبیت ایتکلمکز لازمدر : بوراده موضوع بحث اولان تحریکک بر تحریک خصوصی اولدیغنده واسباب معذرت مخففه‌دن اولان تحریک عمومیدن فرقی برشی اولدیغنده شبهه یوقدر . ایشه بر تحریک خصوصیده محرکک - که حادثه‌ده معنوی و عقلی هم فعل اولدینی فرض ایدلمکده در - تحریک ایلدیکی صوچک جزاسیله جزالاندرلما یا جفی خصوصنه مثبت رجواب و یرمک اقتضا ایدر . چونکه اورئاده کی صوچه سببیت و یرن کیمسه‌نک اشتراک کنی قبول ایتهمک ممکن دکلدرد .

— ب —

اشتراک

(جزا قانوننک ۶۵ جی ماده‌سی)

بوراده موضوع بحث اولان و . معنای خصوصیده استعمال ایدلمش بولنان اشتراک ، ماهیتی اعتباریله مادی و معنوی (عقلی) اولمق اوزره ایکی‌یه تقسیم اولور . معنوی (عقلی) اشتراک بر صوچی ایقاع ایچون بر کیمسه‌ده قرار او یاندرمق یا خود صوچی ایقاع قرارینی تأیید ایتک و یا صوچ ایشلندکدن صوکره مظاهرت و معاونتده بولوناجغنی وعد ایتک صورتلریله اولور (ماده : ۶۵ نومرو ۱) بناء علیه دنیه‌یلیر که معنوی (عقلی) اشتراک ایکی شکله اولور : بری « فاعلک ذهنتده صوچ ایقاعی قرارینی او یاندرمق و یا تأیید ایتک » دیکریده « فعل ایشلندکدن صوکره مظاهرت و معاونتده بولوناجغنی وعد ایتک » . آنحق بو کی معاونت تالیه‌ده بولونق ایچون وقوعه کلدیکی نمایان اولان معنوی اشتراک ، بعض سوزلر تعاطیسی ایله اولدینی کی یازی ایله‌ده اولایلیر . شو قادر که بو یازیلرک (مکتوب ارسالی) اجرا مقدمه‌سی شکلنده تظاهر ایللری یعنی

[۴] پروفور « ماینو » نک اترندن .

— سوزلرده اولدینی کی- بو یازیلرک فعلی اجراییه خادم اولملری و فاعلک روحنی حرکت-
کثیره جک ماهیتده قالسی لازمدیر .

شوراسی اهمیتله نظر اعتباره آلتقی لازمدیرکه مثبت شکلده اولان مارالیان اشتراک
صوچی اجرادن مقدم و یا صوچک اجرایی صره سنده فاعله فعلک اجرایی قولایلاشدیران
هر هانکی بر حرکت ، سوز و یازی ایله تظاهر ایتمش دیمک اولور . شو قادارکه اجرا
صره سنده کی مظاهر و یا معاونت دوغریدن دوغری به تشریک مساعی ماهیتده اولمالیدیر .
چونکه او تقدیرده هم فعللک (ماده : ۶۴) موضوع بحث اولور .

معنوی اشتراکک ایکنجی شکلنده یعنی فعل ممنوع ایشلندکده صوکره مظاهر
و معاونتده بولنه جغنی وعد ایتمک کیفیتده واضع قانونک نظر دفته آلدینی جهت فعلدن
صوکره کی معاونت دکل بلکه فعل ممنوعدن مقدم مظاهر و معاونتده بولنه جغنی وعد
ایتمکدر . بناءً علیه دنیله بیلیرکه فاعلک حرکاتی ، بونلره واقف اولان بر کیمسه طرفندن
ماده دور دورلماق و یا فاعلک ایقاع ایدمه جکی بیلن بر صوچی اولدن خبر ویرمامک
شکلنده بر اشتراکک موضوع بحث اولامیه جغنی شه سزدر . بو صوک نقطه ده مؤلفین
جزایه متحد الرایدیر .

مادی اشتراکک کلنجه : بوده یا واسطه لره یا خود حرکاته تعلق ایدمه بیلیر . مادی
اشتراکک ، صوچی ایشله مک ایچون تعلیمات ویرمک یا خود واسطه لری تدارک ایتمک حاللرند
واسطه لره و صوچ ایشلنمیدن و یا ایشلندیکی صره ده مظاهر و معاونت ایله اجرایی
قولایلاشدیرمق حالده حرکاته تعلق ایدر . واسطه لره تعلق ایدن مادی اشتراکک ، فاعل
اصلیه ویردیکی تعلیماتی یا خود تدارک ایتمدیکی واسطه لری فاعل اصلیه هدف اتخاذ
ایدیلن قصد جرمیسندن خبردار اولارق و بو قصد جرمیه نیت اشتراکی بولونارق
ویرمش و تدارک ایتمش بولونمق لازمدیر . بناءً علیه دنیله بیلیرکه مادی اشتراکک شرطلری
ایکیدر : اولاً تصاحب و التزام ایدیلن فاعل اصلینک جزایی مستلزم اولان مجرمانه هدف
و غایه سی حقننده شریکک علمنک موجود اولسی ، ثانیاً شریکک او فعل اصلیه نیت
اشتراکی بولونمسی لازمدیر [۵] . مثلاً مشهور بر خرسزه مایمونحق ویرمن چلینکرک

[۵] بو شرطلردن برنجیسی ایچون ایلروده « هم فعللک و اشتراکک عائد عمومی قاعده لر » دن برنجی
قاعده عمومییه و ایکنجیسی ایچون « مادی » اولوب جزائک تشدیدینه مادی اولان سبیلرک شریکله نه درجه
سرایت ایدوب ایتمه جکی « حقننده ویریلن ایضاحاته مراجعت ایدیکیز .

منوع بر فعل ایشله مش اولدیغنده شبه یوق ایسه نه او خرسزك او مایمونجقله یاپدی
سرت موصوفه دن دولای شريك دیبه تلقی ایدلسی ممکن دکلدر. بویله احتیاطسزقله
یایلان حرکت چلینكر اوسرت موصوفه ده شريك اولارق جزالاندرلسنه کافی
بر سبب تشکیل ایده من .

شوراسی نظر دقتدن دورطوتامق لازمدر که شريك تعلیمات ویرمسند و واسطه لری
(مایمونجق و سائر) تدارك ایلمسند فاعلك مجرمانه هدف وغایه سی حقنده لاحق اولاجنی
علمك فاعل اصلینك قصد جرمیسی نقطه نظرندن مطابقت کامله سی بولونمق و بوتعلیمات
و واسطه لرك فاعلك اجر اسنده حقیقی بر تأثیر ایفا ایتمش اولمق لازمدر. ایشته بو نقطه یی
تأییداً قارارا حرکتك مؤثر اولمسی بونوع اشتراك عنصر ضروریسی در دیمکده در.
ذاتاً واضع قانونك دخی بو نقطه نظری قبول ایسدیکی ۶۵ نجی ماده نك ایکی نومرولو
بندینك صورت تحریرندن آکلاشلقمقده در. یوقاریده ویردیکنز ایضاحات کاملاً مثبت
شکلده تجلی ایدن اشترا که عائددر .

[مایمندی کله جک نسخه]

آووقات

معلم: محمد باهر

آووقات

م. آصف

قانون مدنی

« بینه »

یکی قانون مدنییز بینات تحریریه وشخصیه وبخصوص یمینه عائد مسائلده متناً ساکت
اولوب بوخصوصده کی تفصیلاتی تماماً یکی اصول محاکات حقوقیه قانونمزه تودیع ایلدی
معلومدر. تطبیقانه باشلامش اولان اصول محاکات حقوقیه مزایسه اسویجره نك (نوشتل)
اصول محاکمه سندن مأخوذ اولمقله برابر همان هر نقطه سنده فرانسه و آلمانیا قانون مدنی
واصول محاکمه شیه اولدیغندن فرانسه قانون مدنیسنك مبذولاً معلوماتدار اشبو
شرحنه بالمراجعه رفقای محترمه یه اتحاف ایلمکی مفید بولدم . کوریله جکدر که سندات
رسمیه وغیر رسمیه وشهادت وهله یمین خصوصنده هر ایکی مملکت قوانینی یکدیگرینه